

Bosna i Hercegovina
Parlamentarna skupština
Bosne i Hercegovine
Dom naroda
Ustavno-pravna komisija

Broj: 02/1-011-310/01
Sarajevo: 07.06.2001. godine.

Z A P I S N I K

sa pete Radne sjednice Ustavno-pravne komisije Doma naroda Parlamentarne skupštine Bosne i Hercegovine, održane 07.06.2001. godine. i 12.06.2001. godine.

Sjednica je počela sa radom u 14:30 sati.

Sjednici su prisustvovali članovi komisije: Ibrahim Spahić, Šefik Džaferović, Ivo Živković, Niko Sušac, Dragutin Rodić i Nikola Špirić.

Pored članova komisije sjednici je prisustvovao: Sead Hodžić - pomoćnik ministra u ministarstvu civilnih poslova i komunikacija BiH.

Sjednicom je predsjedavao predsjedajući Ustavno-pravne komisije Doma naroda Parlamentarne skupštine BiH Ibrahim Spahić.

Za sjednicu je predložen i usvojen sljedeći

D N E V N I R E D :

1. Usvajanje Zapisnika sa četvrte Radne sjednice Ustavno-pravne komisije Doma naroda;
2. Prijedlog zaključka za vođenje javne rasprave u pogledu Amandmana na Ustav BiH;
3. Nacrt zakona o slobodnim zonama u BiH;
4. Nacrt zakona o međunarodnom i međuentitetskom cestovnom prijevozu;
5. Nacrt zakona o izmjenama i dopunama zakona o izbjeglicama iz BiH i raseljenim osobama u BiH;
6. Nacrt Izbornog zakona BiH (predlagač Vijeće ministara BiH)
7. Prijedlog Izbornog zakona BiH (predlagač delegat Nikola Špirić)
8. Tekuća pitanja.

Ad.1. Usvajanje Zapisnika sa četvrte Radne sjednice Ustavno-pravne komisije Doma naroda.

Zapisnik sa treće radne sjednice Ustavno-pravne komisije Doma naroda Parlamentarne skupštine BiH jednoglasno je usvojen.

Ad.2. Prijedlog zaključka za vođenje javne rasprave u pogledu Amandmana na Ustav BiH

U raspravi o ovoj tački dnevnog reda učestvovali su Dragutin Rodić, Šefik Džaferović, Niko Sušac i Nikola Špirić. Glasanje o prijedlogu zaključka za vođenje javne rasprave o

Amandmanima na Ustav BiH odgođeno je za narednu sjednicu Ustavno-pravne komisije Doma naroda.

Ad.3. Nacrt zakona o slobodnim zonama u BiH

U raspravi o ovoj tački dnevnog reda komisija je raspravljala o usklađenosti teksta zakona sa Ustavom BiH kao i da li je zakon podnešen od ovlaštenog predlagača i donijela jednoglasno zaključak da je tekst zakona u skladu sa Ustavom BiH i da je podnešen od strane ovlaštenog predlagača.

Ad.4. Nacrt zakona o međunarodnom i međuentitetskom cestovnom prijevozu

U raspravi o ovoj tački dnevnog reda niko nije učestvovao. Komisija je zaključila da je tekst zakona podnešen od ovlaštenog predlagača i da je u skladu sa Ustavom BiH.

Ad.5. Nacrt zakona o izmjenama i dopunama zakona o izbjeglicama iz BiH i raseljenim osobama u BiH

U raspravi o ovoj tački dnevnog reda komisija je raspravljala o usklađenosti teksta zakona sa Ustavom BiH kao i da li je zakon podnešen od ovlaštenog predlagača i donijela jednoglasno zaključak da je tekst zakona u skladu sa Ustavom BiH i da je podnešen od strane ovlaštenog predlagača.

Ad.6. Nacrt Izbornog zakona BiH (predlagač Vijeće ministara BiH)

U raspravi o ovoj tački dnevnog reda učestvovali su svi članovi komisije. Članovi komisije su vodili raspravu o principima predloženog zakona i zaključili da mogu preći na izjašnjavanje o predloženim amandmanima, te je komisija usvojila 12 amandmana na tekst izbornog zakona BiH čiji je predlagač Vijeće ministara BiH i dostavila ih u izvještaju predsjedavajućem Doma naroda Parlamentarne skupštine BiH. Izvještaj čini sastavni dio zapisnika sa pete sjednice Ustavno-pravne komisije Doma naroda.

Ad.7. Prijedlog Izbornog zakona BiH (predlagač delegat Nikola Špirić)

U raspravi o ovoj tački dnevnog reda učestvovali su svi članovi komisije. Članovi komisije su vodili raspravu o principima predloženog zakona i zaključili da na tekst zakona nije bilo uloženi Amandmani i da se Prijedlog zakona može uputiti u dalju proceduru.

Ad.8. Tekuća pitanja

Pitanja nije bilo.

Sjednica je završila sa radom u 17:30 sati

Sekretar
Ustavno-pravne komisije
Aljoša Čampara s.r.

Predsjedavajući
Ustavno-pravne komisije
Ibrahim Spahić s.r.